



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

3350



1903. № 1521.

ՄԱԿԱՍԻ ՊՕՅՐԿԻՑ

26 ՏՂԱՄԱՐԻ ԵՒ 1 ԱՂՋԻԿ

Թարգմանից

ՄԻՒՋԻ ՎԱՐԳԱԳԵՏ

ԳԻՆՆ Է 5 409.



891.71
9-83

1903

Տ Պ Ա Ս Ա Ն
Մ. ՎԱՐԳԱՆՆԵԱՆՑԻ



ETOS 10 NOV 2011

27 AUG 2006

891.71

9-83

ՄՈՒՍԵՐ ԳՕՅՐԿԻՑ


ՔՐԱՆՆԵՒՎԵՑ ՏՂԱՄԱՐԴ

ԵՒ ՄԻ ԱՂԶԻԿ

БИБЛИОТЕКА
ИНСТИТУТА
БОСКОПЕДЕНИЯ
Академии Наук
СССР

Բարգմանեց

Մոռելի վարդապետ



ԹԻՖԼԻՍ

Տպարան Մովսես Վարդանեանցի

1903

2 1 MAR 2013

8005 314 T S

10803

00000000000000000000

00000000000000000000

00000000000000000000



Дозволено Цензурою. 11 Июня 1903 г. Тифлисъ.

00000000000000000000



60991-67

00000000000000000000

00000000000000000000

0000

...մա գնաց, անցի՛ր քրիստոնեական գնաց
...մա գնաց, անցի՛ր քրիստոնեական գնաց
...մա գնաց, անցի՛ր քրիստոնեական գնաց
...մա գնաց, անցի՛ր քրիստոնեական գնաց

ՔՍԱՆԵՒՎԵՅ ՏՂԱՄԱՐԻ

ԵՒ ՄԻ ԱՂՋԻԿ

արևմտեան քրիստոնեական հոգի էինք—քրիստոնեական
կենդանի մեքենայ, որ խոնարհ ներքնայարկում
փակուած, անաւտայ մինչև իրիկուն, խմոր
էինք հունցում և բոկեղ *) ու հաց-օղակ պատ-
րապոսում: Մեր ներքնայարկի պատուհանները
դէմ էին ընկած նրանց առաջ փորում փո-
սին, որ ծածկուած էր խոնարհութիւնից բո-
րոտիւ աղիւտներով, պատուհանի շրջանակ-
ները զրսից պատած էին երկաթեայ խիտ
վանդակով, և արևի լույսը չէր կարող ներս
թափանցել ապակիների միջից, որոնք ալիւրի
փոշով էին ծածկուած: Մեր ազան պատու-
հանները նրա համար էր երկաթով պատել, որ
մենք չկարողանանք նրա հացը տալ աղբա-

*) Կրեւդէր միայն քրիստոնեական գնաց

ներին և մեր ընկերները նրանց, որոնք անգործ մնացած լինելով քաղցած էին. մեր ատերը մեզ կոչում էր սրիկայ և ճաշերքին մտնեղակ հոտած ընգերք էր տալիս:

Չատ նեղուածք էր, և մենք խեղդուում էինք այդ քարէ արկղի մէջ, ցած ու ծանր առաստաղի ներքե, որը ծածկուած էր մրով ու սարդի սասայնով: Ծանր և սիրտ խառնելու բան էր այս ցեխի ու բորբոսի բծերով ծածկուած հաստ պատերի միջև մնալը...: Առաւօտեան ժամը հնգին, դեռ քնից չկշտացած, վեր էինք կենում տեղներիցս և—բլթացած, անտարբեր—ժամը վեցին նստում էինք սեղանի առաջ, որպէս զի բոկեղ շինենք այն խմորից, որ մեր ընկերները, դեռ մեր քնած միջոցին, պատրաստած էին լինում. եւ ամբողջ օրն առաւօտից մինչև երեկոյեան ժամը տասը մեղանից ոմանք, սեղանի առաջ նստած, ձեռներով առաձգական խմորն էին բաց անում ու օրօրում էին, որպէս զի շքեղարմանան, իսկ միւսներն այդ միջոցին ջուր ու ալիւրից խմոր էին հունցում: Եւ ամբողջ օրը ջուրը մտախոհ ու ախուր թշուում էր կաթսայի մէջ, ու բոկեղներն էին խաշում, իսկ հացթուխի թիակը, խմորի լարծուն կտորները տաք աղիւսի վրայ ձգելիս, չորացած ու արագ-արագ խըշխշում էր փուռի յատակին քսուելուց: Առաւօտից մինչև իրիկուն փռան մէջ մի կողքին

վառուում էր փայաք, և բոցի կարմիր շողքը դողողում էր արհեստանոցի պատի վրայ և կարծես մեզ վրայ անձայն ծիծաղում: Ահագին փուռը նման էր առասպելական հրէշի այլանդակ գլխի,—հէնց խմանա այդ գլուխը դուրս էր պրծած յատակից, բաց արել պայծառ կրակով լի ահագին բերանը, սօթ շնչում մեզ վրայ և իւր ճակատին դանուած երկու օգանցների խաւար խոռոչներով դիտում մեր անվերջ աշխատանքը: Այդ երկու խոր խոռոչները նման էին աչքերի—հրէշի անգութ ու անտարբեր աչքերի—որոնք շարունակ միատեսակ մութ հայեացքով նայում էին մեզ և, ասես թէ ստրուկների վրայ նայելուց յոգնած ու նրանցից ոչ մի մարդկային բան չսպասելով, խմաստութեան սառն արհամարհանքով արհամարհում էին նրանց:

Աստծու իր օրը ալիւրի փոշու մէջ, ցեխի մէջ, որ մենք ոտներովս բերում էինք բակից, ծանր հոտի մէջ լուրում էինք խմորը և մեր քրտնքով չաղախած՝ բոկեղ շինում, և մենք սուր ատելութեամբ ատում էինք մեր աշխատանքն ու երբէք չէինք ուտում այն, որ մեր ձեռքիցն էր դուրս գալիս. մենք սև հացը դերպասում էինք բոկեղներից, Երկայն սեղանի առաջ իրար դէմ ու դէմ նստած—ինք հոգի լինի դէմ—երկար ժամեր մեքենաբար շարժում էինք ձեռքներս ու մատներս, և այնքան էինք

ընտելացել մեր գործին, որ այլևս երբէք չէինք հետևում մեր շարժումներին: Եւ այնքան էինք իրար դիտել, որ ամեն մէկս էլ արդէն խիստ լաւ դիտէինք մեր ընկերների դէմքի ամեն մի կնճիւր: Մենք այլևս խօսելու ոչինչ նոր նիւթ չունէինք և, այդ բանին վարժուած, բոլոր ժամանակը նստած էինք լինում լուռ, եթէ միայն իրար չէինք հայհոյում — քանի որ մարդ հայհոյելու, մանաւանդ ընկեր հայհոյելու համար միշտ կարելի է մի պատճառ գտնել: Բայց մենք հէնց քիչ էլ կուուում էինք, — ինչ մեղք պիտի ունենայ մի մարդ, քանի որ նա կիսամեռ է, քանի որ նա անշունչ արձան է, քանի որ ծանր աշխատանքը ճնշել է նրա բոլոր դզացմունքները: Բայց լուռթիւնը դարհուրելի է և շարատանջ միայն այն մարդկանց համար, որոնք արդէն ամեն բան ասել, պրծել են և էլ ոչինչ չունին առելու. իսկ այն մարդկանց համար, որոնք դեռ իրենց ասելիքը չեն սկսել, — նրանց համար լուրը հասարակ ու թիթիւ բան է... Բայց երբեմն մենք երգում էինք, և մեր երգն այսպէս էր սկսում — աշխատանքի միջոցին յանկարծ մեզանից մէկը յոգնած ձիւ հառաչի նման թառանչ կը քաշէր և կամացուկ կը սկսէր երգել այն ծանր երգերից մէկը, որոնց սրտամորմոք-փաղաքուշ եղանակները միշտ երգողի սրտի վրայից դէն են ձգում ծանր քարը: Մեզանից մէկը կը սկսէր երգել,

իսկ մնացեալներս սկզբում լուռ ականջ կը դնէինք նրա մենակ երգածին, և երգը կը մարէր ու կուլ կը դնար ներքնայարկի ծանր առաստաղի տակ, նման աշնանային խոնաւ դիշերով տափաստանում վառած փոքրիկ կրակին, երբ մառախլապատ երկինքն արձձէ խութի նման կախ է ընկած լինում երկրի վրայ: Յետոյ երգողին կը միանար երկրորդը, և ահա արդէն երկու ձայն կամաց ու թախծալից լողում է մեր նեղուածք փոսի հեղձուկ օդի մէջ: Եւ ապա յանկարծ մի քանի ձայն մի անգամից կը միանային երգին, ու երգն ալիքի նման կեռար, աւելի զօրեղ, աւելի բարձր կը դառնար և ասես թէ մեր քարէ բանտի խոնաւ, ծանր պատերը կը բանար, կը հեռացնէր մեզանից...:

Բոլոր քսանեկից հոգիս էլ երգում էինք. բարձր, հաստատուն ձայները լցնում էին արհեստանոցը. բայց երգի համար նեղ էր դալիս դա. երգը զարնում էր պատերի քարին, հառաչում էր, լաց լինում և սրտերը կենդանացնում խաղաղ խտտացնող ցաւով, բաց անում հին վէրքերն ու կսկիծ պատճառում...: Երգողները խորն ու ծանր հոգից կը հանէին. նրանցից մէկը յանկարծ կը կարէր երգն ու երկար ականջ կը դնէր ընկերներին երգածին, և ապա նորից ձայնը կը միացնէր ընդհանուր ալիքին: Մի ուրիշն անձկութեամբ «ախ» կը

կանչէր և աչքերը փակած կերգէր, ու գուցէ ձայներէ այս թանձր, ընդարձակ ալիքը նրա առաջ պատկերանում էր որպէս մի հեռաստան տանող ճանապարհ, պայծառ արեւի լուսով լուսաւորուած մի լայն ճանապարհ, իսկ իրեն էլ տեսնում էր այդ ճանապարհի վրայ...:

Փռան միջի կրտկը շարունակ զոգզոգում է, հացթուխի թիակը դարձեալ խշխշում է աղիւսին քսուելով, ջուրը մըմռում է կաթոսայի մէջ, և կրակի շողքը նոյնպէս դողում է, անձայն ծիծաղում...: Իսկ մենք ուրիշի բաւերով երգում ենք մեր բռն Վիշաբ, արեւից զրկուած կենդանի մարդկանց ծանր Վիշաբ, ստրուկներ ի անձկութիւնը: Ահա այսպէս էինք սպրում մենք, քսանեակեց հոգիս, քարաշէն անհոգին տան գեանայարկում, և այնքան ծանր էր մեր կեանքը, որ ասես թէ այդ տան երեք յարկն էլ մեր ուսերին լինէր շինած...:

Սակայն երգից դատ մենք ունէինք նաև մի ուրիշ լաւ բան, մի սիրելի բան, մի այնպիսի բան, որը գուցէ և արեւ տեղն էր բռնում մեզ համար: Այդ տան երկրորդ յարկում կարուձևի մի արհեստանոց կար, և այդտեղ, շատ վարպետ-աղջկերանց հետ, ապրում էր

նաև մի տասնեակեց տարեկան սպասուհի, Տանիա անունով: Մեր արհեստանոցի՝ դէպի նախասենեակ բացուող դրան մէջ մի փոքրիկ պատուհան կար շինուած: Ամեն առաւօտ այդ պատուհանի ապակուն յենուած էր Տանիայի կապոյտ, ուրախ աչքերով փոքրիկ, վարդագոյն դէմքը, և հնչուն, փաղարուշ ձայնով կանչում.

—Պալանաւորներ, ինձ բոկեղ տուէք:

Մենք ամենքս էլ շուտ էինք գալիս դէպի այս ծանօթ պարզ ձայնը և ուրախ-ուրախ, բարեսիրա կերպով նայում կուսական մարուք երեսին, որ հրաշալի կերպով ժպտում էր մեզ: Մենք սովոր էինք, և մեզ հաճելի էր տեսնել ապակուն հուլ տալուց տափակած քիթը և մանր, սպիտակ ասամները, որոնք փայլում էին ժպտալուց բացուած վարդագոյն շրթունքների արանքից: Մենք իրար բռնեցինք Վիշաբը և անհոգի մտքով, և անհաւաստի նա գուարթ, քաղցր մտնում էր ներս, գոգնոցը դէմ տնում, գլուխը փոքր ինչ թեքած կանգնում ու շարունակ ժպտում: Չազանակագոյն մազերի երկայն ու հաստ հիւսն ուսի վրայով ընկած էր լինում կրծքին: Մենք, կեղտոտ, մութ, այլանդակ մարդիկս, ներքեից վերե էինք նայում նրան,—դրան չեմքը յատակից շորս աստիճան վեր էր,—գլուխներս բարձրացրած նայում էինք նրան, բարի-լոյս տալիս, մի ինչ-

որ առանձին խօսքեր ասում. մենք այդպիսի խօսքերը միայն նրա համար էինք գտնում մեր մէջ: Նրա հետ խօսելիս մեր ձայներն էլ աւելի մեղմ էին, հանազներս էլ թեթե: Նրա համար մեր ամեն ինչն էլ ջոկ տեսակ էր: Թրխողը փռնից հանում էր ամենալաւ թխուած՝ կարմրած բոկեղները և ճարպիկութեամբ ձգում նրա գոպնոցի մէջ:

—Տես, աղի աչքովը չընկնես,—միշտ զգուշացնում էինք նրան:

Նա խորամանկութեամբ կը ծիծաղէր, ուրախ-ուրախ կատէր.

—Մնաք բարով, կալանաւորներ, — և մկան նման խոխոյն կանհետանար:

Այսքան միայն...: Բայց նրա գնալուց յետոյ մենք երկար ժամանակ հաճոյքով կը խօսէինք նրա մասին, և միշտ էլ խօսածներս նոյնն էր, ինչ որ խօսած էինք երեկ ու առաջ, քանի որ նա էլ, մենք էլ և մեր շորս կողմն ամեն բան էլ այն էր, ինչ որ էր երեկ և՛ առաջ...: Չատ ծանր ու շարատանջ բան է լինում, երբ որ մարդս ապրում է, իսկ նրա շուրջը ոչինչ չի փոխում. եթէ այս բանս բոլորովին չսպանի նրա հոգին, գոնէ քանի երկար ապրի՝ այնքան շարատանջ կը դառնայ նրա համար շրջապատի անշարժութիւնը...: Մենք միշտ կանանց մատին մի այնպիսի լեզուով էինք խօսում, որ երբեմն նոյն իսկ ինք-

ներս էլ զգում էինք մեր կոպիտ-անպատիաւ խօսքերից, և այդ հասկանալի է, քանի որ մեր այդ ծանօթ կանայք գուցէ և ուրիշ տեսակ խօսքերի արժանի էլ չէին: Բայց Տանիայի համար երբէք վատ չէինք խօսում. ոչ միայն մեղանից ոչ որ և երբէք իրեն չէր թոյլ տալ նրան ձեռք կայցնելու, հապա նա նոյն իսկ մի ազատ կատակ անգամ լսած չէ մեղանից: Գուցէ սա այն պատճառով էր, որ նա երկար չէր մնում մեզ մօտ—վայր ընկնող աստղի նման կը փայլէր մեր առաջ ու կանհետանար, բայց գուցէ և այն պատճառով էր, որ նա փոքր էր և շատ գեղեցիկ, իսկ ամեն մի գեղեցիկ բան, նոյն իսկ կոպիտ մարդկանց մէջ, յարգանք է ծնեցնում դէպի իրեն: Եւ մէկ էլ՝ թէպէտ տաժանակիր աշխատանքը մեզ բթացրել էր, բայց և այնպէս հօ դարձեալ մնալ էինք և, ինչպէս ամեն մարդ, չէինք կարող առանց մի որևէքէ բան պաշտելու ապրել: Մեզ համար նրանից լաւը չկար, և ոչ որ, բացի նրանից, մեզ՝ ներքնայարկում ապրողներին վրայ ուշադրութիւն չէր դարձնում, ոչ որ, թէպէտ և այդ տան մէջ տանաւոր մարդիկ էին ապրում: Եւ վերջապէս—անշուշտ, գլխաւորն էլ սա էր—մենք ամենքս էլ նրան մի տեսակ մերն էինք համարում, մի տեսակ մեր բոկեղների շնորհիւ լոկ գոյութիւնը պահպանող էինք կարծում. ուստի մեր պարտա-

կանութիւնն էինք համարում տաք բոկեղներ տալ նրան: Եւ այս բանը մեզ համաջ դարձել էր մի տեսակ հանապազօրեայ զոհ, համարեա մի սրբազան ծէս, որ մատուցանում էինք մեր պաշտամանն առաքիլային և սրտնցով օր օրի վրայ աւելի ևս սերտ կերպով կապւում էինք նրա հետ: Բայց բոկեղներից մենք Տանխային շատ էլ խրատներ էինք տալիս—որ տաք հաղ-նուի, աստիճաններով արագ չվագէ, փայտի ծանր կապոցներ չվերցնէ: Նա ժպտալ երեսին լսում էր մեր խորհուրդները, պատասխանի փոխարէն ծիծաղում և երբէք մեր խօսքին ահանջ չէր անում. բայց մենք այդ բանից չէինք վիրաւորւում. մենք ուզում էինք միայն նրան ցոյց տալ, որ նրա վրայ հոգս ենք տա-նում:

Չատ անգամ զանազան բաներ էր խնդ-րում նա, խնդրում էր, օրինակ, բաց անել նիւղի ծանր դուռը, փայտ ջարդել, և մենք բոլոր նրա խնդրածն ուրախութեամբ, նոյն իսկ պարծանքով կատարում էինք:

Բայց երբ մի օր մեզանից մէկը նրան խնդրեց, որ կարկատէ իւր միակ շապիկը, նա արհամարհանքով փրթկացրեց ու ասաց.
—Էդ էր պահաս: Ո՛նց չէ. հիմի պիտի բռն...

Մենք շատ ծիծաղեցինք այդ խենթի վրայ և այլևս երբէք ոչ մի բան չխնդրեցինք

աղջկանից: Մենք նրան սիրում էինք. սրանով ամեն բան ասուած է: Մարդս միշտ ուզում է, որ մէկին սիրի, թէպէտեւ նա իւր սիրովը ճնշում է, երբեմն կեղտոտում է նրան. նա կարող է իւր սիրովը թունաւորել իւր սրտին մօտիկ անձի կեանքը, քանի որ, սիրելով, չես յարգում սիրածիդ: Մենք պէտք է սիրէինք Տանխային, որովհետեւ ուրիշ սիրելու բան չու-նէինք:

Երբեմն, չգիտես ինչու, յանկարծ մեղա-նից մէկը կը սկսէր զատողութիւն անել.

—Ի՞նչ ենք աղջկանը էսքան երես տա-լիս: Ի՞նչ մի դատ է որ, հը՞: Չատ ենք փայ-վայում:

Ով որ համարձակւում էր այդպիսի բա-ներ ասել, մենք իսկոյն և եթ կոպիտ կերպով լուեցնում էինք. մեզ մի բան էր պէտք, որ սիրէինք, և մենք գտել էինք այդ ու սիրում էինք. իսկ այն, ինչ որ սիրում էինք մենք՝ քսանակեցս, պէտք է ամենթիւ համար էլ ան-սասան լինէր որպէս սրբութիւն, և ով որ այդ բանի մէջ մեզ հակառակ էր գնում, նա մեր թշնամին էր: Գուցէ մեր սիրածն այն չէր, որ արդարեւ լաւ է, բայց չէ որ մենք քսանակեց հօգի էինք, ուստի և միշտ ուզում էինք, որ այն, ինչ որ մեզ համար թանկագին է, սըր-բութիւն լինի նաև ուրիշների համար:

Մեր սէրն էլ նոյնքան ծանր է, որքան և

ատելութիւնը... և, գուցէ, հէնց այդ պատճառով էլ մի քանի մեծամիտներ պնդում են, թէ մեր ատելութիւնն աւելի գովեստ է իրենց համար, քան թէ մեր սէրը...: Բայց եթէ այդպէս է, ապա ինչո՞ւ ուրեմն շեն խոյս տալիս մեզանից:

Մեր ազան բացի բոկեզ պատրաստելու գործարանից ունէր նաև շաքարահացի գործարան. դա միևնոյն տան մէջ էր գետեղուած և մեր փոսից միտայն մի պատով էր բաժանուած. բայց հացագործները—գրանք չորս հոգի էին—մեզանից հեռու էին ման գալիս՝ իրենց աշխատանքը մերինից ազնիւ կարծելով, ուստի և նրանք իրենք իրենց մեզանից բարձր համարելով՝ մեր արհեստանոցը ոտք չէին դրնում, իսկ բակում մեզ հանդիպելիս՝ արհամարհանքով վրաներս էին ծիծաղում. մենք էլ նրանց մօտ չէինք գնում,—այդ ասերը մեր ազան էր արգելել, վախենալով թէ մի գուցէ անոյշ հացերից գողանանք: Մենք հացագործներին չէինք սիրում, սրովհետև նախանձում էինք. նրանց աշխատանքը մերինից թեթև էր, վարձն աւելի, կերակուրներն աւելի լաւ, գործարանն ընդարձակ, պայծառ, իսկ իրենք էլ

խիտ մաքուր, առողջ. իսկ այդ մեզ համար զգուշիլ էր թւում: Մինչդեռ մենք, ընդհակառակն, ամենքս էլ մի տեսակ գեղնած էինք, մաշուած. մեզանից երեքը սիֆիլիս ունէին, մի քանիսը՝ քոս, մէկը սոկրացաւից բոլորովին ծումուած էր: Հացագործները տօներին ու աշխատանքից ազատ միջոցին հագնում էին պիջակ, ճրճուան կօշիկ, երկուսը հարման ունէին և ամենքն էլ գրօնելու համար քաղաքային պարտէզ գնում. մինչդեռ մեր հագինն ինչ-որ աղտոտ ցնցոտիներ էին, ոտքներին՝ սրիս կամ հին ոտնաման. ոտախիւնութիւնը մեզ քաղաքային պարտէզ չէր թողնում: Ել կարող էինք հացթուխներին սիրել:

Եւ ահա մի անգամ իմանում ենք, որ նրանց հաց թխողը հարբել է, ազան նրան դուրս է արել ու տեղն ուրիշը բռնել, որ այդ ուրիշը ղինուոր է, հագնում է ատլասէ ժիլեթ և ոսկէ շղթայով ժամացոյց բանեցնում: Հետաքրքրւում էինք տեսնելու այդ պճնատէրին և, յուսալով թէ կը տեսնենք, մենք իրար ետեկից, շարունակ բակն էինք դուրս գալիս: Բայց նա ինքը եկաւ մեր արհեստանոցը: Ոտքով խփեց գրանը, բաց արաւ և, բաց էլ թողնելով, ժպտալով կանգնեց շեմքում ու առայ մեզ.

—Բարի աջողում: Բարով ձեզ, տղերք:
Ցուրտ օդը, թանձր մուգ ամպի նման

զանից ներս խուժելով, ոլորուում էր նրա ոտներին տակ, իսկ նա շեմքում կանգնած վերելից դէպի ցած նայում էր մեզ, և նրա գեղեցիկ ոլորած դեղձան բեխերի տակ փայլում էին խոշոր, դեղին առամները: Նրա ժիլեթը արդարև մի առանձին տեսակի էր՝ կապտազոյն, ծաղկակար, ամբողջապէս փայլուն. իսկ կոճակները մի տեսակ կարմիր քարից էին: Զղթայ էլ ունէր ...:

Գեղեցիկ տղամարդ էր այդ զինուորը, բարձր հասակով, առողջ, կարմիր թշերով, և նրա խոշոր, պայծառ աչքերն էլ անոյշ նայուածք ունէին՝ փաղարուշ ու պարզ: Գլխին ծածկել էր պինդ օսլայած գլխոց, իսկ մաքուր, անարատ գոգնոցի տակից երևում էին նոր ձևի, փայլուն մաքրած կօշիկ սուր քթերը:

Մեր թխողը յարգանքով խնդրեց, որ դուռը փակի. նորեկն առանց շտապելու կատարեց այդ և սիսեց աղայի մասին մեզ հարց ու փորձ անել: Մենք միմեանց բերանից խլելով սիսեցինք պատմել, որ մեր աղան թոկից փախած, սրիկայ, շարագործ, մարդու հոգի հանող մէկն է, պատմեցինք այն ամենը, ինչ որ կարելի էր և պէտք էր ասել աղայի մասին. բայց այդ ասածներս կարելի չէ այստեղ գրել անցկացնել:

Զինուորը լսում էր, բեխերը շարժում ու

մեղմ, պայծառ հայեացքով մեզ նայում:

— Ինչպէս տեսնում եմ, էստեղ շատ աղջկերք կան... — առայց նա յանկարծ:

Մեզանից ոմանք յարգանքով ծիծաղեցին, ոմանք քիթ ու մուռները հաճելի կերպով ծումեցին, մէկն էլ բացատրեց, թէ այստեղ ինը աղջիկ կայ:

— Օգուտն էք, — հարցրեց զինուորը՝ աչքով արտ:

Մենք նորից ծիծաղեցինք, բայց ցած ձայնով ու կտորուած...: Մեզանից շատերը կուզէին նոյնպիսի կտրիճ մարդ թուալ, ինչպէս որ զինուորն էր, բայց այդ բանն անել ոչ որ չգիտէր, ոչ որ էլ կարող չէր: Մէկը խոստովանուեց այդ՝ ասելով.

— Ինչ մեր բանն է...

— Հն, այդ ձեր բանը չէ, — փստահօրէն առայց զինուորը ուշադիր աչքով մեզ նայելով: — Գուք ինչ-որ... էն չէք...: Կերպարանքներդ էնպէս չի... կարգին մարդու նման...: Իսկ կին ասածդ՝ տղամարդու կերպարանքին է նայում: Նա ուզում է, որ կազմուածքը շնորհքով լինի... որ ամեն բան կարգին: Մէկ էլ նա շատ է սիրում ոյժ...: Այսպիսի ձեռք ունենայ, ա՛յ:

Զինուորն աջ գրպանից հանեց ձեռքը, որ մինչև արմուկը քշուած, մերկացրած էր, և ցոյց տուեց մեզ...: Ձեռքը սպիտակ էր, ուժեղ, փայլուն, ոսկեզոյն մաղով ծածկուած:



—Ոտքը, կուրծքը, պէտք է ամենքն էլ պինդ լինին...: Մէկ էլ, որ մարդս կարգին հաղնուած լինի... մնց որ սագ կը գայ...: Ա՛յ, ինձ սիրում են կանայք: Ես նրանց չեմ կանչում, չեմ հրատարում, իրանք՝ օխտը միասին են ճտովս ընկնում...:

Նա նստեց ջուալով ալիւրի վրայ և երկար պատմում էր, թէ ինչպէս են կանայք նրան սիրում և թէ ինչպէս է ինքը քաջութեամբ վարում հեռաները: Երբ որ նա գնաց, և դուռը ճուալով նրա ետեւից փակուեց, մենք երկար ժամանակ լուռ միտք էինք անում նրա և նրա պատմածների վրայ: Ապա յանկարծ ամենքս էլ սկսեցինք միաժամանակ խօսել, և բանից երեսաց, որ նա ամենքիս էլ գիւր էր եկել: Ի՛նչ պարզ ու պատուական մարդ է. եկաւ, նստեց, դրոյց արաւ: Ոչ որ մեզ մօտ չէր գալիս, ոչ որ մեզ հետ այսպէս ընկերաբար չէր խօսում...: Եւ մենք շարունակ խօսում էինք նրա վրայ և գուշակում ապագայում ու նհնալիք աշոդութիւնը դերձակուհիների մէջ, որոնք բակում մեզ հանդիպելիս կամ վերաւորական ձևով շրթունքները հուզ տուած ճանապարհն էին ծուռ ու մեղանից հեռու անց կենում, կամ ուղղակի մեր վրայ էին գալիս, ասես թէ նրանց ճանապարհի վրայ մենք սկի կանգնած էլ չլինէինք: Մինչդեռ մենք միշտ հրճուում էինք նրանց տեսնելով թէ բակում, և

թէ մեր պատուհանների առաջով անցնելիս՝ ձմեռը մի տեսակ առանձին գլխարկ ու մուշտակ հագած, իսկ ամառը ծաղկաւոր փեղոյրների ծածկած ու ձեռներին գոյնգոյն հովանոցներ բռնած: Սակայն մեր մէջ այդ ազջկերանց մասին այնպիսի բաներ էինք խօսում, որ եթէ լսէին, ամենքն էլ ամօթից ու վերաւորանքից կը կատաղէին...:

—Վախեմ թէ, աղերք, Տանիւշկային էլ... փշացնի, — յանկարծ մտախոհութեամբ ասաց թխողը:

Մենք ամենքս էլ, այդ խօսքերից շշմած, լռեցինք: Տանիային մտահան էինք արել. գինուորը իւր խոշար, գեղեցիկ պատկերով կարծես նրան ծածկել էր մեր աչքից: Յետոյ աղմկալի վէճ սկսուեց. ոմանք ասում էին, թէ Տանիան իրեն այդտեղը չի հասցնիլ. ուրիշները պնդում էին, թէ նա գինուորին կարող չէ դիմադրել. ուրիշներն էլ, վերջապէս, առաջարկում էին, որ եթէ գինուորը Տանիայի ետեւից ընկնելու լինի, նրա սակրները ջարդենք: Եւ, վերջ ի վերջոյ, վճռեցինք բոլորս էլ հետեւի գինուորին ու Տանիային, զգուշացնել ազջկանը, որ հեռու կենայ գինուորից...: Այդ բանը մեր վէճին վերջ դրեց:

Մէկ ամսի չափ անցած կը լինէր. զինուորը հաց էր թխում, աղջկերանց հետ քէֆ անում, շուտ-շուտ մեր գործարանը մանում, բայց աղջկերանց հրապուրելու մասին խօսք չէր բաց անում, հապա միայն բեխերն էր ուտում ու ախորժանքով շրթունքները լզմըզում:

Տանիան ամեն առաւօտ դալիս էր բոկեղներ ստանալու և, ինչպէս միշտ, զուարթ, սիրուն, փաղարուչ էր մեզ հետ: Մենք փորձ արինք խօսք բանալու զինուորի վրայ. Տանիան «առդած աչքով հորթ» էր անուանում նրան և ուրիշ ծիծաղելի անուններ տալիս, և այդ բանը հանգստացնում էր մեզ: Մենք պարծենում էինք մեր աղջկանով, երբ տեսնում էինք, թէ ինչպէս դերձակուհիները որ ասես չէին պոկ դալիս զինուորից: Տանիայի դէպի նրան ունեցած յարաբերութիւնը կարծես թէ բարձրացնում էր մեզ ամենքիս, ու մենք էլ, կարծես նրա բռնած գիրքովն առաջնորդուած, սկսեցինք ինքներս էլ արհամարհանքով վերաբերուել դէպի զինուորը: Եւ Տանիային աւելի սիրեցինք ու առաւօտներն աւելի ևս ուրախ ու բարեօրտութեամբ էինք զիմուորում նրան:

Բայց մի անգամ զինուորը մեզ մօտ մի քիչ խմած եկաւ, նստեց ու սկսեց ծիծաղել. և երբ հարցրինք, թէ ինչի է ծիծաղում, նա բացատրեց.

— Իմ պատճառովս երկու աղջիկ իրար միտ կերան... Լիզկան ու Գրուշկան...: Ո՛նց էին իրար այլանդակել, հը՛: Հն-հն: Մէկը միւսի ծամերից բռնած՝ միջանցքում գետին լախեց, վրան հեծաւ... հն-հն-հն: Իրար քիթ ու մուտք շանկոտեցին, արխնլուելի արին... շորերը պատռեցին...: Ծիծաղից կոտորուելու բան էր: Չեմ հասկանում, թէ ինչն էս կանաչը չեն կարողանում կարգին կուռել: Ինչի են իրար շանկոտում, հը՛:

Նա ուրախ-զուարթ, աւողջ, մաքուր կերպարանքով, նստած էր նստարանի վրայ ու շարունակ ծիծաղում: Մենք լուռ էինք: Չգիտեմ ինչն այս անգամ նա մեզ անհաճոյ էր: — Չէ, ախպէր, կանանց մասին բազրուաց է, հը՛: Ծիծաղելու բան: Մէկ որ աչքով արի՛ պրծաւ: Հը՛:

Նրա փայլուն մազերով ծածկուած ձեռքերը բարձրացան և նորից ծնկների վրայ ընկան ու բարձրածայն շլմփայցրին: Եւ նա մի այնպիսի հաճելի-զարմացած կերպով էր նստում մեզ, որ ասես թէ ճիշտ որ ինքն էլ չի հասկանում, թէ ինչն է կանանց վերաբերմամբ իւր բազրն այդքան բանուկ էր: Նրա հաստ, կարմրած մուտքը ինքնագոհ ու երջանիկ կերպով պսպղում էր, և նա շարունակ ախորժանքով լպտտում էր իւր շրթունքները:

Մեր հացթուխը թիովն ուժով ու զայ-

րացած շրխկացրեց հնոցին ու յանկարծ ծաղրելով ասաց.

— Բանը ս. Խաչի ուլը չէ, բանը դատկի գառն է...:

— Էդ ի՞նձ ես ասում,— հարցրեց դի-նուորը:

— Հն՛, քեզ...:

— Ի՞նչ ես ուզում ասել:

— Ոչինչ... ասացի, պրծաւ:

— Չէ, կաց, Ի՞նչ է ասածդ: Ի՞նչ գառը, ի՞նչ բան:

Մեր փռնչին լուռ էր և միայն արագ-արագ թիակը շարժում,— մէկ փռնն ձգում խաչած բոկեղները և մէկ փռնից հանում պատրաստները և ազմուկով շարժում յատակի վրայ, երեխաների առաջ, որոնք կապերի վրայ էին անցկացնում բոկեղները: Նա կարծես թէ դիմուորին էլ, նրա հետ սկսած խօսակցու-թիւնն էլ մոռացած լինէր արդէն: Բայց դի-նուորը յանկարծ մի տեսակ անհանգստութեան մէջ ընկաւ: Նա ոտքի ելաւ և մօտեցաւ փռա-նը, շմտածելով որ կարող է կրծքին առնել թիակի կոթը, որ ջղաձգաբար շարժւում էր օդի մէջ:

— Չէ, դու մի ինձ ասես՝ ո՞վ է: Գու ինձ վիրաւորեցիր...: Ե՞ս: Իմ ձեռքից ոչ-ով չի պրծնի, չէ-է: Իսկ դու ինձ էնպիսի անպատիւ խօսքեր ես ասում, որ...

Եւ յիրաւի, նա իսկ որ վիրաւորուած էր թւում: Ինչպէս երևում է, նա բացի կանանց մոլորեցնելու շնորհքից չունէր մի այնպիսի բան, որի համար ինքն իրեն յարգէր: Գուցէ այս շնորհքից դատ ոչ մի կենդանի բան չկար նրա մէջ, և միայն այդ շնորհքն էր, որ նրան զգալ էր տալիս իւր կենդանի մարդ լինելը:

Տօ կան մարդիկ, որոնց համար կեանքի մէջ ամենաթանկագինն ու ամենալաւն իրենց հոգու կամ մարմնի մի սրկիցէ հիւանդութիւ-նըն է կազմում: Նրանք իրենց բոլոր կեանքում փայփայում են այդ արատը և դրանով են կենդանի մնում. նրանք այդ արատի երե-սից տանջուելով հանդերձ՝ դրանով էլ սնւում են. նրանք դրա դէմ գանգատւում են ուրիշ-ներին և դրանով էլ իրենց վրայ դարձնում մօտիկ անձերի ուշադրութիւնը: Այդ բանի համար նրանք մարդկանցից իբր տուրք ստա-նում են նրանց համակրութիւնը, և բացի դը-րանից՝ էլ ոչինչ չունին: Վերջըք նրանցից այդ հիւանդութիւնը, այդ արատը, բժշկեցէք նրանց, և նրանք կանրազդանան, որովհետև կը զրկուեն կեանքի միակ միջոցից. նրանք այն ժամանակ մի դատարկ բան կը դառնան: Երբեմն մարդուս կեանքն այն աստիճանի աղ-քատ է լինում, որ ակամայ ստիպուած է գնա-հատել իր արատը և դրանով ապրել. ուղղա-

կի կարելի է ասել, որ երբեմն մարդիկ ձանձրոյթից են արատաւոր դառնում:

Ջինուօրը վիրաւորուեց և մեր հացթուխի վրայ գնալով ունում էր.

— Չէ, պիտի սուս, սով է:

— Ասեմ, — յանկարծ դարձաւ նրան հացթուխը:

— Հը':

— Տանիային ճանաչում ես:

— Յեռոյ:

— Էլ ի՞նչ յետոյ: Հասած վտրձի...

— Ե՞ս:

— Դու:

— Նրան: Դա ինձ համար հէշ բան չէ:

— Տեսնենք:

— Կը տեսնես: Հ-հա:

— Նա քեզ...

— Մի ամիս ժամանակ:

— Չատ մեծախօսն ես, զինուոր:

— Երկու շաբաթ միայն: Ո՞վ: Տանիան:

Հէշ բան չի...

— Դէ հեռու գնա... խանդարում ես:

— Երկու շաբաթ՝ ու պըծաւ: Այ դու...

— Ասում եմ՝ հեռացիր:

Մեր հացթուխը յանկարծ կատաղեց և թիակը վերցրեց, որ խփի: Ջինուօրը զարմացած յետ-յետ քաշուեց, նայեց մեզ, լուեց, և

կամաց, շարագուշակ կերպով ասաց. «Դէ լու» — ու գնաց:

Վէճի միջոցին, վէճով հետաքրքրուած, ամենքս էլ լուս էինք: Բայց զինուորի գնալուց յետոյ կենդանի, բարձր զրոյց ու ազմուկ բարձրացաւ մեր մէջ:

Մէկը հացթուխին ասաց.

— Հէշ բան չէր արածդ, Պաւէլ:

— Դու քո առաջիկ ապուրը կեր, — կատաղարար պատասխանեց նա:

Չգուժ էինք, որ զինուորի ինքնասիրութիւնը սաստիկ վիրաւորուած էր, և Տանիային վտանգ է սպառնում: Այդ զգում էինք և միևնոյն ժամանակ մի ջերմ, հաճելի հետաքրքրութիւն պաշարել էր մեզ, թէ ի՞նչ է լինելու: Արդեօք Տանիան կը դիմանայ զինուորի հրապոյրին: Եւ համարեա ամենքս էլ վստահօրէն կանչում էինք.

— Տանիան: Ի հարկէ կը դիմանայ: Նրան ձեռք ձգելը հեշտ բան չի:

Սաստիկ ուզում էինք փորձել մեր կուռքի հաստատամտութիւնը. մենք լարուած կերպով միմեանց ապացուցանում էինք, որ մեր կուռքը շատ պիտի կուռք է և այդ ընդհարումից յազդեող դուրս կը դայ: Մեզ, վերջապէս, սկըսեց այնպէս թուալ, թէ զինուորին դեռ քիչ էինք զրգուել, որ նա կարող էր այս վէճը մուսանալ, և թէ հարկաւոր էր մի լաւ խայթել բան ինքնասիրութիւնը: Այդ օրուանից սկսե-

ցինք մի առանձին, լարուած-նեարդային կեանք անցկացնել. մենք զեռ այդպէս սպրած չէինք: Ամբողջ օրը վիճում էինք իրար հետ. կարծես թէ աւելի խելօքացած՝ սկսեցինք շատ և աւելի լաւ խօսել: Մեզ թւում էր, թէ մենք ինչ-որ խաղ ենք խաղում և զբաղ ենք եկել սատանայի հետ, և մեր զբաղը Տանխան է: Եւ երբ որ հացթուխներից իմացանք, որ զինուորն սկսել է Տանխայի ետեից ընկնել, մենք մի այնպիսի զգայնական-հաճելի դրութեան մէջ էինք, և մեր կեանքն այնքան շահագրգիռ էր դարձել, որ մինչև անգամ շնկատեցինք, թէ ինչպէս մեր աղան, մեր զբաղուից օգտուելով, տաննեզորս պուղ խմորի աշխատանք էր աւելացրել: Մենք նոյն իսկ աշխատանքից չէինք էլ յողնում: Ամբողջ օրը Տանխայի անունը մեր բերանն էր: Եւ ամեն առաւօտ մենք նրան մի առանձին անհամբերութեամբ էինք սպասում: Երբեմն մեզ թւում էր, թէ նա կը մտնի մեզ մօտ, բայց սա այլևս այն, առաջուայ Տանխան չի լինիլ, հապա մի ուրիշը:

Սակայն տեղի ունեցած վէճի մասին նրան ոչինչ չէինք ասում: Ոչինչ չէինք հարցնում և զարձեալ առաջուայ նման սիրով ու լաւ էինք վերաբերում ղէպի նա: Բայց այս յարաբերութեան մէջ արդէն մեր ղէպի Տանխան տածած նախկին զգացմունքին մի նոր, օտար բան էր խառնուել, և այդ նորը՝ սուր հետաքրքրութիւնն էր, սուր ու սառն՝ որպէս

պողպատէ դանակ...:

—Տղերք: Այսօր ժամանակն է,—մի անգամ առաւօտեան ասաց հացթուխը գործի կանգնելով:

Մենք առանց նրա յիշեցնելուն էլ լաւ զիտէինք այդ, բայց էլի սթափուեցինք:

—Մտիկ տուէք Տանխային... էս բոպէիս կը գայ,—շարունակեց հացթուխը:

Մէկը ցաւակցաբար բացականչեց.

—Մտիկ տալով ինչ դուրս կը գայ. բան կը տեսնես:

Եւ դարձեալ կենդանի, աղմկալից վէճ սկսեցինք: Վերջապէս այսօր կիմանանք, թէ որքան մաքուր ու կեղտի համար անմատչելի է այն անօթը, որի մէջ ամփոփել էինք մեր ամենալաւ զգացմունքը: Այդ առաւօտ ասես թէ միանգամից և առաջին անգամ զգացինք, որ մեծ խաղ էր խաղացածներս, որ մեր կուռքի մաքրութեան այս փորձը կարող էր նրան ոչնչացնել մեզ համար: Մենք այդ բոլոր օրերը լսում էինք, թէ զինուորը յամառութեամբ և շարունակ հետամուտ է լինում Տանխային, բայց մեզանից ոչ ոք չհարցրեց Տանխային, թէ նա ինչպէս է վերաբերում ղէպի զինուորը: Իսկ նա շարունակում էր ամենայն օր կանոնաւոր կերպով գալ բոկիդ ստանալու և էլի այն էր, ինչ որ միշտ:

Եւ շուտով այդ օրն էլ լսեցինք նրա ձայնը.

—Կալանաւորներ: Եկայ...

Մենք շտապեցինք նրան ներս առնելու և, երբ որ մտաւ, սովորականին հակառակ նրան լուսթեամբ ընդունեցինք: Աչքներս շորս բաց արած նրան նայելով չէինք իմանում, թէ ինչ խօսէինք հետը, ինչ հարցնէինք: Եւ լուռ, մռայլ կերպարանքով խոնուել էինք նրա առաջ: Ըստ երևոյթին՝ նա դարմացած էր այս անսովոր ընդունելութեան վրայ, և յանկարծ տեսանք, որ նա սպրդնեց, անհանգստացաւ, կանգնած տեղը մի տեսակ արոր-արոր եկաւ և ճնշուած ձայնով հարցրեց.

—Ինչո՞ւ էք... այսպէս:

—Հապա դ՛ու,—մռայլած նկատեց հացթուին առանց աչքը վրայից հեռաշնելու:

—Ես ինչ:

—Ո-չինչ:

—Դէ, շուտով բոկեղ տուէք...:

Նա առաջ երբէք մեզ չէր շտապեցնում...:

—Կը հասնես, շտապելու բան չկայ. — առայց հացթուին առանց շարժուելու և առանց աչքը վրայից հեռաշնելու:

Այն ժամանակ նա յանկարծ շուռ եկաւ և դրան մէջ անհետացաւ:

Հացթուիւր վեր առաւ թիակը և երեսը փռանք դարձնելով հանդարտ ձայնով ասաց.

—Ուրեմն բանը պրծել է...: Այ քեզ զի-նումք... հարամզաղա... ցած...:

Մենք, ոչխարի հօտի նման, իրար հըր-հրելով մօտեցանք սեղանին, սուս ու փուս նստեցինք ու սկսեցինք ծոյլ-ծոյլ աշխատել: Զուտով մէկն ասաց.

—Ով է իմանում, դուցէ դեռ...:

—Դէ, դէ: Դուս տու,—կանչեց հացթուիւր:

Ամենքս էլ գիտէինք, որ նա խելօք մարդ էր, ամենքիցս խելօք: Եւ նրա բացականչու-թիւնից հասկացանք, որ դիւտուրը յաղթել է...: Մենք տխուր էինք և անհանգիստ...:

Ժամը աստնեկերկսին—ճաշի ժամին— դիւտուրը եկաւ, Ըստ սովորականին նա մաքուր ու պճնուած էր և—ինչպէս միշտ—ուղիղ մեր աչքին էր նայում: Իսկ մենք դժուարա-նում էինք նրան մտիկ տալու:

—Դէ, աղէք, կուզէ՞ք հիմի դիւտուրի դա-շադուլթիւնը տեսնել,—առայց նա պարծենկոտ ժպիտով.—որ կուզէք՝ դուրս եկէք նախա-ռեհեհաի ու տախտակները ճեղքերից մտիկ տուէք... հասկացնր:

Մենք դուրս եկանք և, իրար վրայ ըն-կած, պինդ կպանք նախառեհեհակի տախտա-կէ պատի ճեղքերին, որ դէպի բակն էր դուրս գալիս: Երկար շտապեցինք...: Զուտով Տա-նիան, շտապ-շտապ, հոգսալի դէմքով, կիսա-հալ ձիւնի ու ցեխի լճակների վրայից թըռչ-կառարով անցաւ բակի միջով: Նա անհետացաւ նկողի դրան մէջ: Յետոյ, առանց շտապելու

և չվզվացնելով, այդտեղ դնաց և զինուորը: Նա ձեռները գրպաններն էր գրել, իսկ բխխ-բըբը շարժում էին...:

Անձրև էր գալիս, և տեսնում էինք, թէ ինչպէս անձրևի կաթիլներն ընկնում էին լճակները մէջ, և լճակները նրանց հարուածներից կնճռոտում: Խոնաւ, մառախլապաւ: օր էր, սաստիկ ձանձրալի օր: Կտուրներին դեռ ձիւն էր նստած, իսկ երկրի վրայ երևում էին ցելսի սև բծեր: Եւ կտուրների ձիւնն էլ ծածկուած էր մոխրագոյն, ազատ չերտով: Դանդաղ-դանդաղ էր գալիս անձրևը և թախծալի հնչում: Մըսում էինք, և անհաստ էր սպասելը...:

Նկուղից առաջ զինուորը դուրս եկաւ. նա դանդաղ քայլերով, բխխըբըբը շարժելով, ձեռները գրպանը՝ իւր մշտական կերպարանքով, անցաւ բակը:

Յետոյ դուրս եկաւ Տանիան. նրա աչքերը... նրա աչքերը փայլում էին ուրախ ու երջանիկ, իսկ շրթունքները ժպտում էին: Եւ գնում էր նա, կարծես քնի մէջ լինէր, օրօրունելով, անհաստաւ քայլերով...:

Մենք չկարողացանք անալըզով կերպով տանել այդ բանը: Բոլորս միասին՝ դէպի դուռը վազեցինք, դուրս թռանք բակը՝ և սկսեցինք շարախնդաց, բարձր, վայրենի կերպով չվզվացնել, դուռալ վրան:

Նա որ մեզ տեսաւ, ցնցուեց և արձա-նացած մնաց կանգնած ցելսի մէջ: Մենք շըբ-

Չապատել էինք նրան և շարախնդութեամբ, առանց դադրումի փխ-փխ լսօսքերով հայհոյում, նրան անպատկառ բաներ ասում:

Մենք այս անում էինք առանց շտապելու և ոչ-բարձր ձայնով, որովհետև տեսնում էինք, որ զնալու տեղ շունի, որ շորս կողմը բռնել ենք և ինչքան սրտներս ուզի՝ կարող ենք ծաղրել, վրան ծիծաղել: Չգիտեմ ինչու, բայց մենք նրան չծեծեցինք: Նա մեր մէջ կանգնած էր և, մեր վիրաւորանքները լսելով, գլուխը մէկ դէս էր շուռ տալիս, մէկ՝ դէն: Իսկ մենք՝ առաւել շատ, առաւել զօրեղ լսօսքի ցելս ու թոյն էինք շող տալիս գլխին:

Նրա երեսի գոյնը թաւաւ: Նրա կապոյտ, մի բոպէ առաջ երջանիկ աչքերը լայն-լայն բաց եղան, կուրծքը ծանր շունչ էր առնում, և շրթունքները դողդողում էին:

Իսկ մենք նրան շրջապատած վրէժ էինք լուծում, որովհետև նա մեզ կողոպտել էր: Նա պատկանում էր մեզ, մենք նրա վրայ մսխել էինք այն, ինչ որ մեր ամենալաւն էր, և թէ-պէտ այդ ամենալաւն աղքատի փշրանքներ էին, բայց մենք քսանսկեց հոգի էինք, իսկ նա՝ մէկ, ուստի և ինչքան էլ տանջէինք, դեռ քիչ էր նրան: Ինչպիսի վիրաւորանքներ էինք հասցնում նրան... Նա լուռ էր, վայրի հայեացքով շարունակ նայում էր մեզ և սաղ մարմնով դողում:

Մենք գուռում էինք, մոռնում, ծիծաղում...:

Չգիտեմ՝ սրտեղից ուրիշ մարդիկ էլ եկան,
միացան մեզ...: Մեղանից մէկը քաշեց Տա-
նիայի զգեստի թևից...:

Յանկարծ նրա աչքերը փայլատակեցին.
նա առանց շտապելու ձեռները գլխին տարաւ
և, մազերն ուղղելիս, բարձր, բայց հանդար-
տութեամբ ասաց ուղիղ մեր երեսին.

—Վայ դուք անբաղդ կալանաւորներ...

Եւ նա քայլեց ուղղակի մեզ վրայ, այն-
պէս քայլեց, հէնց գիտենաս մենք ամենևին
նրա առջևը կանգնած չլինէինք, ասես թէ
մենք նրա ճամբան կտրած չլինէինք: Եւ այդ
պատճառով էլ ճշմարիտ որ մեղանից ոչ ոք
նրա ճանապարհը չբռնեց:

Իսկ մեր շրջանից դուրս գալուց յետոյ
նա, առանց ետեր դառնալու, միևնոյն կեր-
պով բարձր ու աննկարագրելի արհամարհան-
քով ասաց.

—Այ դուք սինլքոր... կարշելիներ...:

Եւ դնաց:

Իսկ մենք մնացինք բակի մէջ, ցիխում,
անձրևի և անարև թխպած կրկնքի տակ...:

Ապա մենք էլ քաշուեցինք մեր խոնաւ
քարէ փողը:

Առաջուայ նման երբէք արևը պատուհա-
նից ներս չէր թափանցում մեր աշխատանոցը.
Իսկ Տանիան երբէք մէկ էլ մեր շեմքը սոք
չկոխեց...:



Հայաստանի Ազգային գրադարան



NL0438348

10.803

Handwritten notes in Armenian script, including "1970" and other illegible characters.

БИБЛИОТЕКА
ИЗДАТЕЛЬСТВА
ВОСТОЧНОЕВРОПЕЙСКОЙ
АКАДЕМИИ НАУК
СССР

ՀՈՅՍ ՏԵՍԱՆ

1. ԹԱԹԱՆՄԱՆ ԳԻՂԵՐԸ, ԼԿՕԻ, գինը 5 կ.
2. ՔՍԱՆԵՆԻՎԵՅ ՏՂԱՄԱՐԳ ԵՒ ՄԻ ԱԳ-
ՋԻԿ, Մակսիմ Գոյբկու, գինը. 5 կ.